

藥筭啟秘

公



南京中醫藥大學圖書館版權所有

32614

序

自余爲伯休之業。居上海。歷任善堂及醫院之職。恆惴惴其隙也。儲丸青囊。賁藥丹竈。日與其徒。辨疔瘍。試貝母。考經絡。窮病源。幽疾怪病。無不治。治或驗者。欣喜過望。不驗也。似無依而洋洋。千方易得一效。難求皇皇乎不可終日。怳怳乎莫衷一是。而不知其秘。一旦獲驗。以爲凡人之瘍有異態者。皆我所當治也。今年六月。避暑歸分湖師讓小築。杜門謝客。慕陸摯之避謗。續叔微之本事。將起而消散。防腐而提毒。則凡治療之精要。胥歸纂輯之列。願膏也散也。用各有時。丸也丹也。服得其當。尺寸千里。厥秘盡宣。雖掛一而漏萬。亦嘗鼎之一臠。世之覽者。苟未審夫外科之病理。而昧於臨診者。其弗以病人爲嘗試也可。

中華民國十七年秋日許半龍序于中國醫學院

編輯大意

- 一 本書供外科醫士。中國藥劑士。中醫院校講習。及一般知醫病家之合製。并爲科學家化驗之參攷。
- 二 本書分總論。本論。先說外科製劑上必要之常識。然後於本論分述各劑之名稱。藥品。分量製法等。但實際合製時。藥量可以準之。放大縮小。不必拘泥。
- 三 本書於各劑之使用。均於每節之首。有簡單之說明。與拙輯外科學大綱及瘍科醫典各書。亦多聯絡照應之處。
- 四 本書取材上海各中醫院。善堂。所通用之外科藥劑。并經半龍在廣益善堂。廣益中醫院。四明醫院。中國醫院。試驗有年。獲效無算。幸勿忽視。
- 五 本書體例。係屬草創。其中紕謬。自知難免。尙望海內外明達。加以指正焉。

藥籤啓秘目次（一名外科製劑法）

一、總論.....一

二、本論.....七

（甲）外用各劑.....七

（一）一般的使用.....七

（1）薄貼.....八

（2）圍敷.....二七

（3）洗滌.....四〇

（4）摻布.....四二

（子）消散（丑）提毒去腐

（寅）止血（卯）生肌收口

(一) 特殊的使用.....六二

(1) 傳染病.....六二

(子) 咽喉 (丑) 下疳結毒

(2) 急性病.....八二

疔瘡

(3) 感覺器病.....八六

鼻耳目

(乙) 內服各劑.....九〇

(1) 丸.....九一

(2) 散.....九九

(3) 丹.....一〇〇

藥筭啓秘

一名外科製劑法

許半龍編

一 總論

(I) 中國外科製劑之源流

吾國外科之製劑。創見於周禮天官。「瘍醫掌腫瘍潰瘍金瘍折瘍之祝藥。剮殺之劑。」註云。「剮謂刮去膿血。殺謂藥食其惡肉。」又曰。「凡療瘡以五毒攻之。」鄭玄註云。「五毒。五藥之有毒者。今藥方有五毒之藥。合黃堇置石膽丹砂雄黃慈石其中。燒之。三日三夜。其煙上著。以雞羽埽取之。以注創。惡肉破骨。則盡出。」嗣後扁鵲倉公華陀既精手術。復有製劑之發明。迄今讀史記後漢書本傳者。猶得窺見其一二焉。劉涓子于晉末。郊外射獵。得癰疽方。並藥一白。復從宋武帝北征。有被金瘍者。以藥塗之。隨手而愈。方託鬼遺。語涉神話。降

及後世。私家有所發明。政府從未顧問。藥舖爭誇祕製。以博厚利。世醫矜祕奇方。故靳其傳。縉紳先生。又以外科爲膿血污穢。往往輕視。於是流入於神化之途。其合製也。不云禮懺虔修。必曰忌見婦人。其語于人也。非託名神仙。卽爲異人傳授。數百年來。孰敢議其非者。此外科學之所以無進步也。

雖然我國藥物。取材於動植礦三界之天然產品。經人工之修煉合製。無化學試驗之名。而有其實。特不知其所以然。并不能指實其有效之成分耳。歐西十九世紀始有防腐 (Ipsich 1872) 之發明。吾國早已有剷殺之劑。五毒之方。卽鄭玄註燒三日三夜。其煙上著。以羽帚取。在化學上爲昇華之現象。或曰「中國之鍊丹。爲化學發明之起點。」不其然歟。

(2) 製劑之定義

由藥劑士用醋、蜜、麩、麴、米泔、薑汁、乳汁、酒、鹽等之質料。而以灸、炮、沖、炒之方法。

煉化藥物之一味或二味（臨時）或製爲飲片、條塊、粉末、露汁、酒類（預製）曰製藥。由醫士用特殊之方法。預將各種藥物配齊。化合或混合以成全料。而現一定之作用者曰製劑。

昔徐靈胎汪琥等均云。「古方全料。謂一劑三分之一。謂一服。」外科醫士及藥劑士所合所製。一劑之全料。除特別情形外。必不爲一二人二三次之用。或儲之以待時。或合他劑以爲用。此製劑之所以別於製藥者也。

（3）藥類與配合之禁忌

藥物作用之強弱。各不相同。雖關於用量之多少。却係于藥味之如何。而藥味之類別。約分平藥、劇藥、毒藥三種。性味緩和者。用量雖多。或偶然誤用。人身不致受大害者。爲平藥。性味大熱大寒。用量稍多。卽蒙影響者。曰劇藥。性味最烈。用量稍多。或誤用卽可致人於死者。爲毒藥。而庸醫常謂「以毒攻毒」。是行

險以僥倖。名醫有所不爲也。

二種以上藥物。經化合的過程。往往互失其固有作用。而爲新藥物。更有二種藥物。不可同在一劑者。通例如硫黃與朴硝。水銀與砒霜。狼毒與密陀僧。巴豆與牽牛。丁香與鬱金。牙硝與三稜。川烏草烏與犀角。人參與五靈脂。官桂與石脂。是謂十九畏。又如半夏、瓜蒌、知母、白蘞、白芨、與烏頭相反。海藻、大戟、甘遂、芫花、與甘草相反。人參、沙參、苦參、細辛、芍藥、與藜蘆相反。是謂十八反。此皆藥物配合之禁忌也。

(4) 製劑中各藥之用途

一劑之組織。必由君臣相佐之各藥。茲舉一例說明之。

藥劑名 金霜散「杏仁」「雄黃」「輕粉」「豬苦膽」上列四藥。可配成治「不癢惡瘡」。杏仁。主藥也。雄黃、輕粉。則如臣佐之藥。恐杏仁一藥。不能奏治惡。

瘡之功。更加二藥。以助強其作用。猪苦膽。既爲三藥之使。又便調敷。而爲賦形之藥。於是。可以實現其整個之作用。

方劑中藥物排列之次序。通例主藥居首。臣藥佐藥次之。賦形藥居末。如主藥之作用既足。無需用臣佐藥者。又有單用一藥。或加朱砂等之賦形藥。常于散劑中見之。反之。亦有用二種以上之主藥。或佐藥者。要在應用之當否。固不可拘執。若內服丸藥。必用開水送下。開水者。卽所謂調味藥。爲外用藥劑所無。

(5) 藥劑質料之製法

(一) 劑膏

煎膏法 凡煎製薄貼之膏。至一定之程度時。試取膏汁滴入冷水中。以驗老嫩。若滴在水面。凝結不散。着手不黏。搓之成丸者爲良。滴在水面而有油花散開。且黏手者爲嫩。再稍稍加入黃丹鉛粉。滴入水面作柱狀。而直沈水底。手指

搓之。堅硬者則爲老。須將預製之藥油加入。

(藥油製煉法)麻油二十斤先煎龜版二兩。後入生地四錢。又後下羌獨活各三錢。當歸三錢。甘草三錢。煮枯去滓。

冬月天氣大冷。膏攤紙上。卽乏黏力。貼於患處。極易剝落。亦必取藥油少許。和膏攤貼。庶可適用。

使用法 貼膏地位。不可太小。亦不可太大。當量患部之狀況。加寬裁製。必貼着四周之健康部位。始穩固而不致移易他處。切忌時時揭開。時時更換。其爲外科醫士所預告者。不在此例。

(二) 粉劑藥

製法 粉末之藥。最忌研磨之工夫不足。質粒粗細不勻。既難與賦形藥混合。又易致患部疼痛。必研之極細。磨杵無聲。狀若飛麵。以手捻之。細膩異常。方可

應用。否則如粒如塊。粗劣多角。非惟不能起固有之作用。徒勞皮膚吸收之力。增益其痛苦而已。

用法 (一) 搽布末藥。務使均平周到。舊法用蓬筆頭。乾蘸藥末。先用中食指輕輕敲去其染着之過多者。至落下如微塵。乃對患部四周。作圓圈狀。循環敲下。必使所落之末藥。厚薄平均。無過厚不到處。方易收效。 (二) 升丹降丹。以自製者爲佳。如用市間所售者。時有疼痛翻花起肛之患。必收藏地下。使內蘊之熱度。完全降低。乃取出。傾入乳鉢。研細備用。 (三) 皮薄肉消之處。迫近動脈。切忌用降升二丹。犯之。痛甚。易生贅肉。

一一 本論

(甲) 外用各劑

(一) 一般的使用

(1) 薄貼

今之膏藥。古稱薄貼。其用大端有二。(一)治表。(二)治裏。治表者有消腫、呼膿、去腐、止痛、生肌、并遮風護肉之功。其膏宜輕薄而日換。治裏者。或驅風寒。或和氣血。或消痰痞。或壯筋骨。其膏宜重厚而久貼。但膏藥之作用。各有分別。溫涼寒熱。不可混用。若腐化之程度已深。而非膏藥所能收功者。則用脫脂棉紗。另摻應用劑粉。

太乙膏

【效能】 治一切癰疽。不論已潰未潰。

【藥品用量及製法】

麻油 桐油 各一斤 血餘 一兩

先將麻油入鍋煎數沸。再入桐油。血餘烱化。下淨飛黃丹十二兩。以柳木棍

不住手攪之。文火收膏。須老嫩得中。置冷水內。以減其熱度。儲置磁器備用。

【用法】 隔水炖烱攤貼。

陽和膏

【效能】 治痰核、痰毒、瘰癧、乳疽、陰毒流注。及一切瘡瘍之色不變者。

【藥品用量及製法】

鮮紫蘇 鮮牛蒡 鮮葶藶 鮮薄荷 鮮蒼耳 俱連根叶各八兩

鮮白鳳仙 連根叶四兩 青葱 連根八兩

以上七味。洗淨陰乾。用麻油十斤浸七日。煎枯去渣。待冷。再入後藥。

荊芥 防風 水紅花子 川附子 廣木香 當歸 川烏 草烏

青皮 天麻 穿山甲 連翹 殭蠶 陳皮 芥子 蒲公英 天南星

官桂 桂枝 白芷 烏藥 生半夏 青木香 大黃 白欵 赤芍

川芎

以上各一兩。入煎油浸三日。煎枯去渣。濾清。每淨油一斤。入炒桃丹七兩。文火收膏。於微溫時加入下列細料。

上肉桂二兩 乳沒各一兩 丁香油四兩 蘇合油四兩 檀香

琥珀各二兩 當門子三錢

共研極細末。緩緩攪入。和透。置磁器內。

【用法】 隔水炖烱攤貼。

磁砂膏

【效能】 治一切癰疽。未成者消。已成者潰。已潰者斂。按磁砂膏消散力獨富。

【藥品用量及製法】

麻油十斤 槐杏桑柳桃嫩枝各三尺浸三日。再入後藥。

生山梔六百個穿山甲六兩童子髮四兩鹽水洗

煎枯去渣入飛黃丹一百兩收成膏候微溫入後列細料

沉香身上護燥不可見火 兒茶各二兩 血竭三兩 梅片五錢

琥珀一兩 象皮一兩切片微炒 礞砂四兩 麝香五錢

共研極細末和透膏微溫不住手攪勻

【用法】 隔水炖烱攤貼。疔瘡忌用。

三妙膏

【效能】 治一切癰疽大症。未成者即消。已成者即潰。已潰者即斂。故名三妙。按三妙膏用于收口時尤佳。

【藥品用量及製法】

紫荊皮 獨羌活 白芷 千金子 當歸 桃仁 紅花 赤芍 石菖

蒲 大黃 川柏 黃芩 黃連 桂心 蘇木 荊芥 防風 麻黃
細辛 生半夏 牙皂 烏藥 大貝 牛蒡 花粉 黃耆 銀花 殭
蠶 生山甲 柴胡 苦參 猬皮 白附子 生鱉甲 全蝎 巴豆
草烏 大戟 天麻 良姜 葶麻子 牛膝 白斂 生草 海風藤
白芨 連翹 血餘各五錢 蛇蛻一條 大蜈蚣三條 桃柳桑槐樹枝
各廿一寸

用真麻油二百兩。將前藥浸七日夜。後入鍋內熬至藥枯。去渣滓。將鍋拭淨。再以細絹濾入鍋內。文武火熬至滴水成珠。大約淨油一百六十兩爲準。離火入飛黃丹八十兩。以手持楊木棍攪之。老嫩須要得法。再入後藥。

乳沒各八錢 血竭 雄黃 木香 沉香 檀香 降香 楓香 丁香
藿香 各五錢 麝香 珠粉 大梅各一錢